

॥ दुर्गा सूक्तम् ॥

(तैत्तिरीयारण्यकम्/प्रपाठकः - १०/अनुवाकः - २)

जा॒तवे॑दसे सु॒नवाम॑ सोम॑ म॒राती॑यतो नि॒दहा॑ति वेदः। स नः
पर॑ष॒दति॑ दु॒र्गाणि॑ वि॒श्वा न॒वेव॑ सि॒न्धुं दु॑रि॒ताऽत्य॑ग्निः॥१॥

ताम॒ग्निव॑र्णां तप॑सा ज्वल॒न्तीं वैरो॑च॒नीं क॑र्मफ॒लेषु॑ जुष्टा॑म्। दु॒र्गा
दे॒वीः श॑र॒णम॑हं प्रप॑द्ये सु॒तर॑सि तर॑से नमः॥२॥

अ॒ग्ने त्वं पा॑रया नव्यो अ॒स्मान्ध॑स्व॒स्तिभि॑रति॑ दु॒र्गाणि॑ वि॒श्वा। पू॒श्च
पृ॒थ्वी ब॑हु॒ला न॑ उ॒र्वी भ॑वा॒ तोका॑य॒ तन॑याय॒ शं योः॥३॥

वि॒श्वा॒नि नो॑ दु॒र्गहा॑ जा॒तवे॑दः सि॒न्धुं न न॒वा दु॑रि॒ताऽति॑पर॑षि। अ॒ग्ने
अ॒त्रि॒वन्म॑न॒सा गृ॑णा॒नोऽस्मा॑कं बो॒ध्यवि॑ता त॒नूना॑म्॥४॥

पृ॒त॒ना जि॑त॒ः स॑ह॒मान॑मु॒ग्रम॑ग्निः हु॒वेम॑ पर॒मा॒ध॒स्थात्। स नः
पर॑ष॒दति॑ दु॒र्गाणि॑ वि॒श्वा क्षा॑म॒द्दे॒वो अ॑ति॑ दु॒रि॒तात्य॑ग्निः॥५॥

प्र॒लोषि॑ क॒मीड्यो॑ अध्व॒रेषु॑ स॒नाच्च॑ होता नव्य॑श्च स॒थिः। स्वा॒श्चा॒ग्ने
त॒नुवं॑ पि॒प्रय॑स्वा॒स्मभ्य॑ च सौ॒भ॒ग॒माय॑जस्व॥६॥

गोभि॑र्जुष्ट॑म॒युजो॑ निषि॑क्तं तवे॑न्द्र वि॒ष्णो॒रनु॑सञ्चरे॑म। नाक॑स्य
पृ॒ष्ठम॑भि॒ संव॑सा॒नो वै॒ष्णवीं॑ लो॒क इ॒ह मा॑दयन्ताम्॥७॥

का॒त्या॒य॒नाय॑ वि॒द्महे॑ क॒न्यकु॑मा॒रिं धी॑महि।

तन्नो॑ दु॒र्गिः प्र॑चोदया॑त्॥

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>
